

421
71974
713
1888
(R)

PAPTISETV OHFATCV.

Facts on Baptism.

In. By

Henry Martin.

Philadelphia: 1888.


Henry Martin

Facts on Baptism No. 1.

1888

PAPTISETV OHFATCV.

TRANSLATED BY HENRY MARTIN, A SEMINOLE.



1. Opunakv *baptizo* maketv ocat tat ohhayayickv momet ohyateketv fatcusat tat *akceye*, *aksumke*, *omalohranke* maketat omat kerkoset omes. Mohmen ohyateketv omalkat humkosen etelvcaket omes. Ohfeskiv emahayv Cac Kempal kihocce Scotland etalwv ofv likat. Momet emetalwa ofv tat nak cokv rakko ohhayayickv emanatske mahats komhoye huerat okat, "ohyatekety opunakv acule ofv ocan hecakes (*baptizo*) maketv

[Facts on Baptism.]

tat opunakv etehoskeko taye ohhayyakosaren lihocatet omes (akceye, akpihoke, aksumecihoce) maketat omekv," makatet omes.

2. Mohmet *baptizo* maketa tat ohfeske, monkat ohkale maketan okekoheret omat kerkoset omes, nak cokv rakko momet eremetv nak cokv hasathake Hesaketvmese emponakv ohfatca ohhaponayece hahihocate ocakat ofv tonomat heya opunakv tat (*baptizo*) ohfeskety monkat ohkaletan okes mahokeko tetayet omes. Epeskopelevlke emahaya. Prof Charles Anthon tatet, emekany ofv tat klekalke encokv mont empunany kerhoye sapaklat omal enhomahte huerat okat "Ohfeskety tat nake emarahkamahhet omepes este estomet enhocefkan esyamahkuecet omesaseko atekat paptisetv tat, ohfesketaes makekotayet omes," maketons.

3. Mohmen ohfeskety ohkaletv etepakat tat *paptesem* nak-cokv rakko ofv tonomat kiceko tayat omes, ohfeskety ohfatca opunayece Hesaketvmese empunakv ofv eschoyate ocakat tat, mv arahecosat opunakv klekalke empunakv ofan emephoyaten ocepset omes ohfeske makety tat *Rantizo* omepes, mohmen ohkale makety tat *Ekcheo* omepes, momis nake uewa akceye aksumkat mont eremetv to estomis uewa esafastety maomakat tonomat *baptizo* kicet omes, monka heya opunakat uewa esafastety emahakan ohmellet omat kerkoset omes.

4. Hesaketvmese empunakv ofv paptesem kice ocat etapomosen hofonalke tat uewa talkosen nake etima apakekon naketat eshasat hicet esawatet omat kerket omes. Ohfeskety ohkaletv etepakat uewa entalkosat esafashotekatet omes. Nake ecaty mont uewa nake ecaty eteyamken momet hatam wakoce ecaty emesson uewan eseteyamet naketat esohfeshokatet omes

momis uewa talkosat naken ohfeshokekatet omes. Mohmen hatam nake eneha, uehome cate etepakan ohkalyoyatet omes. Momis mau uewa nake apakekat ohkalyoyekatet omes.

5. Cusalke en nak hasateckaton omat Hesaketamese em-punakv ofv papesem kice ocat etapomosen uewa nake etima apakekon naketat esakeyicet hasathicakatet omes, monkon omat aklopecet okkosaket omakatet omat kerket omes. My etapomen Pal opunayecet okatet omes. "Uewa eshasateckv cahmelikv," make opunayate Hepluvlke encokv setentake 9: 10. ofv ocat tat. Uewa nake esokkose eshasatechoyate opunayecat nanake palet Leviticus encokv setentacke 15. ofvn ocat omen hatam Numbers setentucke 19 ofvn tuc-cenet ocatomen hatam Leviticus setentucke 16 ofvn hok-kolet ocat omes "Nake uewa aktenke hasatecetat Cusal-ketat esemapeyetat omates."

6. Ahakv acolat emelecaton omat nake uewa akpihoke aksumkat talkoset ohhonapa hasatecatet omes komhoyet omates. Monkv my omakat tat uewa entalkosen (nake etima apakekon) esafashotatet omat kerkoset omes. Momen ahakv mucasat emelecaton omat aksumketat ahakat omepes. Momekv puyafekca herv ematotketv, Klist ecavv etteropotte hesaketv, naorketa enkapake efeke hasatecetv, este aculat naorketv ohfutca ele hopelkate, momen hesaketv mucasat eraohkawapkaneyat, momen puhesayeca hopellike eraka-wapgate, hatam akasamalke omalkat espoken erakawape-caranet omes kome akasameyat etapomen aksumketv heyv nanaken herusen espomahopahoyatet omes. (Hecas) Vpas-talalke emfulletv 22: 16; Lomvnalke 6: 3, 4. Kolasalke 2: 12. Kalenralvlke enhateceskv setentacke 15: 29.

7. Opunakv herv ofv uewa espaptisetv opunayece ocat atekat omalkat emetecakkapeyev emetelacety hamkoset omes, momat mvt uewa aksumketat omat kerkoset omes, paptisarane apehoyate ekanv ocatat tat "Cotanen," "Hatcen," momen estamato estomis "uewa tayan," momen "akhataphoket uewan akcokolakates," este nake estemafastat, emafashote huerat etepakat "eravkwolkates," maketv omakvn ayecicet omes. Coko ofan apokaten omat ahakv afastaranat esossates momet hoyvnof eryicates maket omes (Hecas) Mak. 1: 5. Cane encokv 3: 23. Mak. 1: 9, 10. Vpastalalke emfulletv 16: 33, 34.

8. *Baptizo* make ocat ehoman opunakv etelacepuecat klekalke empunakv *en eis* hatam *ek* make apohoyate ocat tat *ofv akceye* momen *eravkkosse* maketat omeka mat *paptesem* afastetat omes. Uewa ofan ahakv hasatkat afasteyaret esakceyeyet omes momet erasakkosseyet omes. Momekv *baptizo* maketv tat etehoskose omet omaten ometo estomis (etehoskekotomisem) mat aksumketan okat kerkoset hayayakosen hayet omes.

9. Uewa aksumketv talkosen *baptizo* tat hayaketayet omes ahakv hasatkat afastety, opunakv etelike, kerkertaye, emarahkeko tayan hahoyatet omet cokv rakko ofv opunakv ocakan etelacaket omes. Klist paptishoyaten ehset hehakeres. "Momof Cesvs kalalen atet Cotanen Canen emalakates aksumecicaren." "Canet Cesus Cotane ofan aksumecicates; momen Cesus aksumecihocan apakosen uewan eravkkosiyet acemkates." Tokas ohfesketv monkat ohkalletan ayoposecihceet ohhecaken omat emaye emarahkan hayet omes. Ohfeskarane monkat ohkalthoyaranaten Cotanen

ohhapeyates momet Cotane ofan aksapaklates makaken omat.

10. Cokv rakko mucasat ofv *paptesem* ohfutea ohhecice nanake sulke ohhohonayehocate oekat tat *paptesem* tat uewa aksumketat omeheret omeka man kerret omhoyat talkoset ohyateketv kerkosat hahoyetayet omes. Mv etapomen Pentekast nettv omofv tat "puyafekcavcakat ofvn" espaptishoyatet omekv, momen Eslevlke uehatka cate etetayecof vholoce uehatkv etepakat ofan paptishoyatet omes. Hotale yekee pafne enhake omet puyafekca mv coko enkerrepalke vpokate omalkan facecet emafolote pucatet omat kerkoset omes. Momis enhateceskatat puyafekca acakat ohrankate, mohmen esahokkola Eslevlke vholoce ohrane emeleca atehkate mohmen uehatkv etetayecof etempalase esematohopke atehke tayecatetat, ohfeskety ohkaletv etepakat esahopakan omhoyekatet omes. Momis aksumketan arahecosen esahopayet omhoyattiset omes. (Hecas) vpastalvlke emfulletv II. 1-3; Kvlennralvlke en hateceskv setentacke X. 2.

11. Pal ahokkolan *paptesem* tat hopelkan esahopayatet omes (Hecas) Lomanvlke VI. 4, Kolasalke II. 12, Ohfeskety ohkaletv etepakatet ahakatot omen omat mv esahopakv hahoyatetat tetayekot, anrapet omepeyayet omes heya nanake hokkolat tat (ohfeskety ohkaletv etepakat) hopelkv esahopayes kotayet omekv. Uewa aksumketa tat hopelkat omepes. Mr. Wall, hopuetakocalke paptisetv encokv ohhohonayeca, Martin Luther, Mr. Samuel Clark, Dr. Doddridge, George Whitefield, John Wesley, Adam Clark, Richard Baxter, Dr. MacKnight, Dr. Bloomfield, Conybeare, Howson, Dr. Chalmers, Dr. Albert Barnes. Mohmen este cokv kerralke

eremetv sulket heya opunaka cokv ofv ocakat aksumketan ohheetons makaket omes.

12. Vkasamalke aksumecat tonomat, ahaka afastetv mehenwe emanatsket omet estamato estomis etalwa mont ekvuv este liketaye atekat heya ahakv ocetomes. Mohmen mv emaye fatcuse hayayakosate eteropotten klist ofv osseheren akasamkv haket omes. Acakfollalke emapohice mont emekosapalke ohhece esafacketv talkekot omes. Momis este naorka emaye emarahkuece hece esafacketat omes.

13. Emekosapka koko emawetatate ohhayayi calke encokv, ematotketv hiyome pummahakacoko tot pun cokv hute ofv to estomis ocakat omalkat okat. Klist vlahke eye-folikanke vyat ohrolope cukpe hokkole hoyanose emofatat uewa aksumketv talkoset Paptese afastetat omatet omat kerkoset omes. Mosheim okat enhateceskv ohrolope cukpe hamkat emelecaton omat uewa este aksumhuetska tarane etetihocate ocakat, este sulket etenakaftet omekon este tat env omalkan aksumecihocatet omes Mohmen esahokkola ohrolope cukpe hamke emelecatat ahakv afaste este uewa aksumhoecat pupocose anokeekat pumacahnate etapomen, erke, epocce, puyafekca hasatkat enhocefka etteropotren este uewa aksumhoehocatet omes.

14. Ohfeskety ohkaletv etepakat *paptese* omece alicehocate tat (Klist eyefolike eremparamke) ohrolope cukpe esatuccenat ennerkapa mahen omhoyatet omen kerreyet omes este hamket Nowecealket enokiket eleparanet omet uewa aksumketayat yekcetv oricekot omen uewan emafoloten palatet ohkalhoyatet omes aksumketv arakan. Mv omofv tat momet eremohyopa hofone here hakepeto estomis Pap-

tesem mahhet omes komhoyekot omates. Momis enokkalke paptisetvn kihocet omates, mat hocefkv heren enhayet omhoyattiset omekohaks?

15. Mohmen hopuetakoce paptisetv tat kerketot omate-ton ohrolope cukpe esatuccenate emofvmin. Tertullian kihocen. Effeke etalwa este liket opunayecka alicecet anrapuecetet omes. Nanake ma omakat tat emehomatat oatesekot omes maket. Drs. Mosheim, Neander, Kitto, Olshausen omakat okakat. Ma nake hakat tat heya emehomatat oate sekot omes makakatet omes.

16. Nak cokv rakko ofv tonomat opunakv hamkosis hopuetakoce paptishoyetayat ohfateca ohhecice opunaye cat sekot omes, nak cokv rakko tat sulken kerkakoset, mehenwakose pumahayat tat akasamate talkosen aksumhuehocet omates. Mohmen hiyomateu mv ahaka talkoset mehenwet omes. Momet hopuetakoce paptisetv tat esentacket omes. (Hecas) Maro 28 : 19 ; Mak. 16 : 16 ; Maro 3 : 7, 8. Apas-talvlke emfulletv 8 : 37 ; Heplualke 8 : 3-11.

17. Hopuetakoce paptisetv, ohfeskety, ohkaletv esyomat ohrolope cukpe esatuccenaten kawapkatet omes. Nak matte hamke omecicen eskawapket omates, hayat omatet omes. Paptesem etteropotte muscasetv monkat Paptesem etteropotte talkosen hesakety yoksasekate epoyetat omes kometan omhoyatet omes Ohrolopo cukpe esostate emofan. Chrysostom okat. "Pupaptishoye ko monken ayakhankosen elk pucawet omen omat totkarakko akceyeta talkosen enhourka hayeyetayet omes." Makatet omes. Emekosapka coko encoka takeñ Hecakes.

18. Ohfeskety, ohkaletv mont hopuetakoce paptisetv

kawapike omofv etawan ahakv ofv ahopanketv kawapkatet omes, nanake heya omakat omatet omes. Este uewa aksumhuetskv ookat tis emekosapka eteropotten hasatece oket. Este eemoponayekotayat ayoposke vensapakletv, momet este paptishoyof enke ohwakecetv merk v enheckuecare ome, momen este pasatkatetis emekosape arakoecetv. Mohmen hopuetakoce uehome cate celayetayat tis emetektanke ome-hoce hakatet omes.

19. Uewa aksumecalke talkoset ahaka enhateceskv enkerrefalke enwihokatetat acayecet esawen hiyomat alaket omes (Hecas) Kvlentalke enhateceskv 11: 2. Drs. Upeiz, Dermout etepakat Neralen emekosapkv koko huerat, atehkat, emekosapka koko emawetatate ohhonayalket okakat "Emekosapalke kihocce sehokat tat. Apastalvke ensehoketv anke alicehce atat ueaksumecalke talkoset vhakv mehenwose opunakv hera ofv ocat tat acayecet estofis esawet omes." Makaket omes.

20. Nake mahokate tat mehenwet omes. Erke, Eppoce, puyafekca vekat estuccenat enhoccfkv ofv akasamalke uewa aksumhueceta talkoset cokv rakko emahakv afaste tat omes. Monk v este akasamkv ocekat, hopuewoce nake kerrekat omat, hatam este acoletto estomis esanacoma heckekat, monkat este uewa aksumketv ayoposke ohfeske, ohkalthoyate omakat tat. Baptishoyate sekot omakes.

Heyan akerricetskares. Paptesem tat afastaranen puhe-sayeca anoketskat pumacahnatet omes, momet okat "Mv vm ahakv oce, momet afastat mat vc vnokecatet omes," makatet omeka. Cane coyate 14: 21, ofvn ocet omes.